


EXCOMMUNICATIO
LATÆ SENTENTIÆ
CONTRA EXTRAHENTES, SEU PERMITTENTES UT EXTRAHANTUR
AC ETIAM MANUSCRIPTA E BIBLIOTHECA
ALMÆ VNIVERSITATIS CRACOVIENSIS
CLEMENS PAPA X.

 D FVTVRAM REI MEMORIAM. Conseruationi & manutentioni librorum Bibliothecæ COLLEGII MAJORIS Vniuersitatis Studii Generalis Cracouiensis quantum cum Domino possumus benigne consulere, ac dilectum Filium RECTOREM dictæ Vniuersitatis specialibus fauoribus & gratiis prosequi uolentes, & à quibusuis Excommunicationis, Suspensionis, & Interdicti, aliisq; Ecclesiasticis sententiis confuris & pœnis à iure vel ab homine quauis occasione vel causa latis, si quibus quomodolibet innodatus existit, ad effectum præsentium duntaxat consequendum harum serie absoluentes & absolutum fore censentes. Precibus eiusdem RECTORIS nomine Nobis super hoc humiliter porrectis inclinati, ne de cætero quisquā quauis auctoritate superioritate vel Officio fungens Libros, quinternæ folia, siue impressa siue manu scripta tam eidem Bibliothecæ per quoscunque Christi fideles donatos & assignatos hactenus, quàm in posterum forsan donan. & assignan. è dicta Bibliotheca sub quouis prætextu, quæsito colore, causa vel ingenio, extrahere vel asportare, aut commodare, seu ut extrahantur, vel asportentur aut commodentur consentire audeat quouis modo vel præsumat, sub Excommunicationis latæ sententiæ pœna per contrafacientes eo ipso absque alia declaratione incurrenda auctoritate Apostolicâ tenore præsentium probemus & interdiciamus, non obstantibus Constitutionibus & Ordinationibus Apostolicis ac dictæ Vniuersitatis etiam iuramento, confirmatione Apostolica, vel quauis firmitate alia roboratis statutis & consuetudinibus cæterisq; contrariis quibuscunque. Volumus autem quòd præsentis prohibitionis copia in Valuis dictæ Bibliothecæ seu alio conspicuo loco, unde ab omnibus cerni possit continuò affixa remaneat, Datum Romæ apud Sanctam MARIAM Maiorem sub Annulo Piscatoris Die XXVI Augusti, M.DC.LXXII. Potificatus
Nostri Anno Tertio.

